



文
284.23
44.3

詩
龕
詠
物
詩



信齋信仲信




存素堂詩稿

詠物詩一百二十首

有序

栢山 法式善 梧門



余詩多寫意雅不欲如紅儷紫然未免入于蕭颯一派適案頭
置唐賢李巨山詠物諸作喜其壯麗有拔天倚地之槩爰依題
擬其體為之祇以自矯所短非敢與古人爭長也

日

九芒方出地五色已經天春暖丹螭麗雲開赤羽懸銅鉦晴掛
樹金殿曉疑煙轉側温暉下瓊柯號萬年

月

七寶攢珠彩重輪朗玉盤樓中磨鏡待幕下撒燈看瀲灩蟾光
淨玲瓏鵲影寒階賞開正好倚遍桂花欄

星

桂殿奎躔麗榆街寶蓋新九霄開壽宇百里聚賢人助月輝東
井排雲拱北辰乘槎更何日靈曜感祥麟

風

天籟不能已扶搖九萬過掠從黃竹好吹向白蘋多塞馬悲涼
氣春鯨浩蕩波無端裂窗入清切和余歌

雲

出岫滃成縷垂天鬱作霖魚鱗屯沛水寶鼎獻汾陰積翠觸危
石寒烟迷故林高齋添秀色爲我豁幽襟

烟

紅旭蒸朝靄青山帶夕嵐松杉寒遠寺橘柚冷空潭萬竈浮明
滅孤帆破蔚藍不須留幻相隨處現優曇

露

天酒三危湛神漿五色傾蘭臯秋鶴警柳苑暮蟬鳴金掌雙莖
擢珠盤萬顆盛吉雲囊欲瀉濕處冷無聲

霧

草際蛇安附山中豹許存雨蒸蘭氣靄月黑竹烟昏香淞雙橋
凍平沙萬樹吞濛濛遮五里何處認孤村

雨

五日霏成縷三霄澤沛膏春湖龍穴潤繡甸蟻封高樓小寒侵
慢江昏綠染篙多時添柳耳不許混松濤

雪

揮霍飄如絮翻紛亂似麻暗香調麥氣冷艷逼梅花玉馬春融
液銅駝夜揀沙嶸州甜飶口細嚼勝餐霞

山

靈嶽撐天表崇邱鎮地維
月牙青裂骨雷首翠浮皮
海暖晴鼇負春和彩鳳儀
五丁神斧在二酉逸書貽

石

漢柱傳官制秦梁託物華
扣桐靈鼓振欵梓牘書誇
鼎上霏雲葉機邊燦月花
補天誠有用終古仰神媧

原

試向高平望蕭條無無原
龍鱗千畝疊虎氣萬年存
火冷春蘇草泉清海浴暎
柳管餘舊壘栗里倒新樽

野

廣莫暮烟平憑高聽鶴鳴
巖荒餘傳築萃逸記伊耕
水暗鸞棲竹秋澄鹿食萃
樂哉聚羔穀望遠不勝情

田

麥秀雲浮壤花明雪映廬
蘇秦矜負郭虞仲請攤書
玉暖春烟潤星靈夜火虛
十千歌歲取倬彼藉新畝

道

樽酒中衢盎鸞聲曉市鏘
書函紆雁足車軌闢羊腸
沙捲風烟老泥融雪盡香
驂騑饒逸氣萬里任騰驤

海

地脈空浮水雷聲夜湧濤
扶桑紅旭漾叢桂淨香遭
鯤壑排雲麗鵬溟擊浪高
朝宗任江漢東望勢滔滔

江

沔水腴田溉荆池畫艦停
鸚洲空漱月鵲渚淨涵星
練捲秋潮白銅磨夜漱青
數峯搖歛灩鼓瑟溯湘靈

河

積石源開導蔥山氣鬱蒸禹功遺玉牘舜德燦金繩神馬瑤圖
負靈龜瑞識徵輕舫浮裔裔九折豈難勝

洛

周觀泱泱水堯壇浩浩流黃圖銜鳳柳洪範錫龜疇波湛明珠
湧濤喧藻玉浮冰漸無一點眇彼宓妃遊

城

雲闕翔雙鳳天都御六龍采思籠鐵甕睥睨辨金墉草色重闈
透花光萬堞濃孤烟望迢遞霞景煥芙蓉

門

北掖印車表南端闔扇排日暄梁鵠勝雲煥蔡邕牌秋嫩烟垂
柳人歸綠夾槐何如閭闔曉誅蕩鳳凰街

市

塵闈千坻聚珠璣萬戶熙燕山秋擊筑吳館夜吹箎賣藥閒攜
鶴擔花穩聽鸛旗亭香酒熟偏愛放燈時

井

記得西川錦依稀濯翠榦泉香浮玉甃露潤亞球欄塞馬窺瓶
綠秋蛙吸縷寒丹砂如見採聲轉轆轤盤

宅

五畝寧嫌隘三椽恰愛閒種應多綠竹買合傍青山蝸舍雲溪
外鶯巢雨樹間羨他陶處士趁月荷鋤還

池

杯泛金塘水壺浮玉沼烟釣魚疎柳外飲馬夕陽邊菡萏涵漪
淨蜻蜓蹴浪圓當年陳廣樂雲漫十三絃

樓

百尺朱甍麗三層碧瓦崇
笛聲涼月白簾影夕陽紅
香軟窗窺燕江晴戶瞰虹
仙人居處好縹緲總憑空

橋

畫柱危樓接飛梁斷岸紆
躡來虹影白鞭處石痕麤
機短星浮鵲梅寒雪壓驢
吹簫明月夜二十四橋俱

經

開劑文章府權輿道義門
庖厨調正味淵海葆真源
金玉三墳煥天人六籍尊
後生涵聖訓粲粲說郛存

史

鴻寶山中祕良才柱下充
記言還記動書過亦書功
漢志蘭臺備周官石室崇
獲麟無直筆班馬庶稱雄

詩

周召風騷祖曹劉體格兼
鼎來頤可解琴鼓愠何嫌
挾藻三辰麗殫精五字嚴
性情去緣飾逸品獨陶潛

賦

壯麗天神感敷陳藻繪增
五經明鼓吹十載辨淄澠
揮灑誇劉載精嚴擅蔣凝
春華如許擷拓字楚辭能

書

鏤鐵文華勁封泥字影迢
硬黃垂玉筍鮮碧界銀鈎
池墨蟠龍爪窗雲簇鶴頭
何須嗤野鷺小聖有誰儔

檄

孫惠才華著張儀露布聞
千言弦發矢二尺氣騰雲
盾鼻新磨墨鞍心穩綴文
德音稱諭蜀不欲震前軍

紙

蠟液鐙階麗冰油粉署鮮芸香凝蠹簡苔色膩魚牋杵搗雲藍
滑簾敲雪暈圓桃花春水浣十樣潑蠻煙

筆

虎僕名難假鴻都價最高一端縣似帚三寸銳如刀秋露垂麟
角天花燦兔毫寄言班定遠作史果何操

硯

匣啟雲初割溪澄石早刊魏臺千瓦裂孔殿七星寒淨綠批龍
尾空青琢馬肝陶泓稱善友劍作故人看

墨

貝葉留香久松煤選料殊痕消魚腹影煙濕豹囊腴翠冷新磨
玉紅滋細擣珠隄麋邀月賜珍重貯金壺

劍

斗碎人何在林縣塚已孤蓮花縣寶鏑蘭葉錯金鏤犀兕秋爭
水蛟龍夜捧鑪珍藏不輕用文彩煥星樞

刀

鼓鑄三年巧陰陽百鍊珍麥芒騰虎氣蘆葉裂龍鱗切玉霜鋒
淬鎔金雪鏑新何須誇琇理滄耳正司神

箭

剡木威天下桑弧記始生石蹲驚虎卧樹折繞猿聲寸鐵盤青
簇連珠綴赤莖牟夷如擇術肯冒不仁名

彈

宛轉牙鞘製輕圓竹繳形鶯嬌聲戀雨鴉健影虧星柘碎香猶
益珠沈翠易零王孫算輕擲花館帛書暝

弩

作弩傳軒帝流星驗自秦小黃符八石大旛合千鈞踰水鯨牙
沸摧山豹尾春煮筋騰士氣不止發機神

旗

香幹轅門建晴旌寶帳開掣雲天列陣捲雪夜登臺白鵲升華
去蒼烏破曉來青飄楊柳外羽騎載春回

旌

六纛飛龍繞雙竿彩鳳馴相風春殿監析羽德車臻香帶蓀橈
鬱星聯孔蓋新求賢方有藉莫漫召虞人

戈

駐日橫撈去麾風倒載來範金春士習執荻武人才血濺星芒
落沙昏雪鏑開仲由曾起舞待旦漫心灰

鼓

鞞旅鉦人伐催花小監提鼉鳴江水立馬騁塞雲低珠網羅春
讌銅丸迸戍聲淵淵諸雅樂寧復憶軍旗

弓

西序儀文備東房製度精楚桃盤月滿越棘剗雲平象骨彷徨
影麋筋霹靂聲挽強因志慮漫尚虎賁名

琴

孔操舒靈蘊虞絃理聖襟哀蟬鳴未已孤鳳怨何深桐石淡秋
籟松風生綠陰此中有真趣妙處不關音

瑟

膠柱誰能鼓安絃信可揮金絲彈越女珠淚掩湘妃雪艷瑤臺
散雲和玉軫飛好竽眞是僻吾守晏龍嶽

琵琶

馬上頻推手琵琶夜度關彈香來桂府撥翠憶桐山抱月黃金
縷團雲白玉環江州老司馬淚眼爲誰潛

琴

郝素遺音少蒙恬寄思精傷心惟趙曲快耳是秦聲鹿角香風
膩鼉皮海月清謝安緣泣下哀響聽分明

簫

嶰谷徵材異伶倫製律微越官風暗度吳市月明歸江碧魚初
瞰臺空鳳已飛九成協韶樂詎與女媧違

笙

墨子隨時好王喬結素心離鴻煙水暗別鶴舊山深西母吹成
曲南陔補後音飄飄伊洛想孺子豁塵襟

笛

壯士流離感仙人縹緲情霜筠浮翠影煙竹瀉寒聲柳色橫關
暗梅花入苑清西涼歌一曲彷彿水龍鳴

歌

天籟憑空發長吟與短哦荆卿悲易水漢帝感汾河雲過周京
麗風諧舜殿和不須嗟鳳隱且自扣牛過

舞

胄子遵文教靈臺節樂歌七旬干羽格八佾豆籩和伴鶴情多
逸聞雞志不磨霓裳如許接綵繚對仙娥

珠

熠熠光騰闕熒熒彩媚川鳳銜星渚曉龍吐月波圓掌上鮫爭
泣盤中蟻曲穿從教探赤水未許委丹淵

玉

魯寶含輝貯荆璆待價沽鸞釵騰月魄鳩杖琢雲腴大德儕圭
璧微瑕匿瑾瑜靈山瓊樹滿翠葉盡棲鳥

金

揀後英華躍鎔時寶氣浮雙南珍麗水三品貢荆州秦市書誰
易燕臺骨已收人閒無鮑叔作礪志奚酬

銀

天漢秋無影神山夜有光鏤盤雲液委飾鼎月華涼白鼠偏知
義雄雞亦感祥何人投雪錠幻術詫非常

錢

漫誦求官易誰唾潤筆貪心清時選一水靜每投三醵眼花閒
認鮫文甕裏探咲他矜阿堵銅臭可無嫌

錦

十樣兜羅錦承筐藻繪濃花穿紅對鳳浪滾絳盤龍趁月宮袍
麗臨風步障重夜行知有誚遮算故鄉逢

羅

一卷留織縠千絲簇綺紋蟬飛香疊雪蝶逗翠描雲團扇低無
影孤幃暗有薰生塵嫌襪底六幅漾湘裊

綾

辛穆封題舊桓元飾帳幽圖雲遮馬眼寫霧透龍油啖餅紅初
潤裁袞翠欲流長裾如可曳廣東更何求

素

雪練千絲織冰紈萬縷添束腰餘裊裊擢手趁纖纖挾瑟風侵
幔箱書水漾縑此心原可質一白更何嫌

布

白氎三端啟青箋一幅拖香荃春艸軟吉貝木棉多火浣花仍
擘金塗縷自搓衛侯崇儉德媲美孔冠峩

舟

宅泛五湖初飄飄一葉虛雪晴停晚舶鐙亂散秋漁湘浦新蓬
鬢吳江舊艸廬濟川知有藉利涉象何如

車

同軌今天下遵途萬里經丹青馳日馭紫殿駐雲駟春暖龍旌
度花明鳳輦停輪轅去雕飾不敗凜前型

牀

玳瑁連雲麗珊瑚映日舒五香春列甕七寶夜攤書石葉攢屏
際銀花汲井初松陰眠最穩六尺趁扶疎

席

許敬豪情舉張純藻思敷硯初偃鳳翮枕欲押龍鬚午雨香蒸
艾秋雲碧捲蒲崑崙葭色好拂拭勝紅瑜

帷

酒味連宵沸書聲出幌遲雪深金鴨冷風捲玉狐窺鐙火三更
暗春寒四角垂恐卿傷盛德呼婢撤瓊卮

簾

筠影如波漾珠煙與箔齊鳥窺銀押鎮燕入玉鈎低花霧惺忪
隔春風料峭迷成都人買卜一桁夕陽西

屏

障處風潛避圍來露暗滋艷紅交麗殿嫩碧隔翠恩雲母裁縫
巧天孫組織奇神臺隨屈曲多藉白琉璃

被

蘭氣春初透蘆花夢已非鴛鴦銜玉舞翡翠帶珠飛朱寵會辭
錦王良獨掩屏長安誰病客終日卧牛衣

鑑

蜀岫嘉文現秦宮異彩張懸時冰射影捧處月凝光金錯磨煙
淨銀華浣翠涼太虛涵萬動形色本來忘

扇

裁作蒲葵樣團團簇絳綃象牙紅日障鵲翅翠風搖羅趁螢光
撲花經蝶意撩五明方選士不待七華招

燭

暖色輕幃透晶光寶鑑涵蘭膏燒翠燼蓮炬滴紅酣鶴燄飄文
篆龍涎吐細醃詩成何待刻秉處夜遊貪

酒

贊夏何人釀宜春有客沾蘭生調琬液桑落配瓊蘓小甕携梁
市飛觴遞阮厨金貂如許換多少玉山扶

蘭

湘澤雙莖擢秋芳九畹佳暗香欣入室深秀鬱生階珮影光風
汎琴聲淡月偕同心言最好靈德葆空齋

菊

酒熟何關醉花開不爲晴晚香依老圃正色麗秋英耐冷稱霜
傑延年表日精東籬耽隱逸誰復問枯榮

竹

共谷檀欒映淇園茱萸圍寒香篩月綠清影散風微黃犢新抽
角青鸞舊剪翬虛心還苦節耐得雪霜威

藤

荒岫金稜聚蠻山石合繁雞冠晴霧溽龍手紫雲翻香自縈牀
角春猶抱杖根藥厨收貯好小朶佐清樽

萱

小艸忘憂恰高堂擢秀堪花繁應樹背香暖况宜男浥露新黃
沃承暄濕翠含問誰贈丹棘幽思滿荒菴

茅

堯屋茨初葺荆州甌是供水花吞五丈風力捲三重晝短秋陰
薄田荒月影濃連茹占有象不復嘆蒙茸

荷

植向東林社浮來太乙槎香添江上影紅散鉢中花珠寶淨清
露金房簇綺霞獨標君子質豈肯委泥沙

萍

綠鬪侵沙暗輕羅疊水新鴨貪三月雨鶴夢一池春飄泊誠無
定纏綿自有真楊花千萬點生意悟前身

菱

桂棹搖花碎蘭杠壓翠齊腕探鴛翼外人隔鷓飛西奩影藏紅
豆衣香浣紫泥買舫蓮葉北月白水風低

瓜

西母芳初冽東陵種已成龍肝經蜜釀魚腹宛香縈紅雪滋瓊
液寒雲滴水晶鎮心方有藉納履果何情

松

老幹參天立貞蕤帶雪濃根原蟠夏社心詎戀秦封釵影攢寒
谷濤聲撼夕峰未須驚繫馬從此看盤龍

桂

珠雀翔仙闕金鰲睡海關一枝珍比玉八樹影浮山月小誰親
折天高許仰攀臯塗陰正滿新放綵鵬還

槐

承蔭三公位培根五沃田落花香夢蟻攪葉綠吟蟬絲竹聞深
夜科名憶昨年橫經向春市雲破午陰圓

柳

梁館絲輕漾隋堤翠暗翻攀條來北郭望遠倚東門波軟浮雲
絮春寒膩雪痕空林聞畫角風定暮煙昏

桐

閨識三年後秋生一葉初鳳鳴金井落鸞集玉堂虛小閣晨霞
敞西窗夜雨疎願爲琴瑟用詎肯委山樗

桃

度索山前種春園媚曉晴紅時應過雁花處早聞鶯韻雪銀華
濶翻霞錦浪生續紛深塢裏記否武陵行

李

東苑春風早南居翠質殊冰盤初薦碧雪椀乍沈朱香軟泉浮
玉花飛露滴珠整冠方自凜蹊徑一時無

梨

御宿留佳植靈關結素氛半枝晴帶雨十里夢迴雲雪液澆胸
潤冰花沁齒芬哀家蒸食否珍重比芳芸

梅

洛淚閒居好雲山老樹清一枝逢驛使五月落江城雪嶺魂初
返梨花夢不成春煙破殘臘東閣逗詩情

橘

陸績香盈裏朱光樹列屏金苞晴綴露珠顚細含星春水懷蘓
井秋風憶屈庭踰淮雖化枳氣味總芳馨

鳳

授璽堯階莅銜圖雒水遊紫庭常近日丹穴不生秋風翼翔千
仞雲儀覽九州簫韶諧雅奏郊藪樂同儔

鶴

夜半鳴風際秋來警露先乘軒曾受祿入帳定呼仙稻熟盤金
穴花開舞玉田知他清到骨吹笛亦悠然

烏

雙闕晨光浥空林夕影翩南飛頻繞樹西使每棲煙銅柱占風
順金輦抱日圓夜啼應不歇宛轉寫琴絃

鵲

早負登春意欣傳報喜聲梁間春雨潤扇外紫雲平圓石何年
化長橋一夕成玉堂當雪霽早晚噪新晴

雁

欲別增離緒無端溯舊遊短蘆湘浦夢衰柳塞門秋月冷迷沙
岸霜寒過戍樓人生比鴻爪莫爲稻梁謀

鳧

晚泊依漁火晨趨映釣缸沙晴春浴渚藻暖翠浮江較鶴初形
短銜魚偶蹴雙蔽天風雨下有客佇篷窗

鶯

一串珍珠滑嬌鶯哢好音歌圓風柳散梭密雨花深得友辭幽
谷逢春轉上林攜柑聽嘒嘒陌上酒徐斟

雉

介鳥徵璣象原禽應火精
毳毼飛雉鼎蹠躩羽懸旌
夏翟輝雲
陛春翬下錦城山梁安飲啄
不復感琴聲

燕

繡戶窺衣桁空梁掩畫叉
曉簾香啄艸午榭倦銜花
雨細紅襟濕風輕翠縷斜
年來春色好飛入野人家

雀

楊寶三公兆王祥一德咸
玉環偕翠隱香艾認紅銜
穿屋誠無取巢堂信不凡
嘉賓方賀厦黃口敢貪饒

龍

鱗甲修淵壑飛騰麗絳霄
紀官明德啟銜燭大荒昭
秋雨連江漢春雷震汐潮
李膺門第峻魚尾咲空燒

麟

祥畜天心感中朝德意交
星輝金瑞啟雲爛玉書苞
靈毳游春時香塵在近郊
英姿標畫閣芝蓋望寧淆

象

天竺牽轅順蒼梧蹈土馴
恩深爛拜舞戰苦識麟困
燧尾旌旗暗藏牙艸木春
伽那如解脫豈復致焚身

馬

過阪鹽車釋登臺駿骨諳
局轅場艸戀泛駕陣雲酣
歎玉紆金埒流珠濕錦驂
求良先去害顧影每趁糧

牛

穎水餘幽躅桃林感舊蹤
腰常縈白綬胆死協黃鐘
賣劍斜陽散牽轅斷塹逢
何人頻問喘公輔奏時雍

豹

君子文初變將軍氣總豪線花穿錦裘艾葉縮戎韜北國丹霞
蔚南山黑霧高一斑窺自管誰向九關遭

熊

祥夢徵男子嘉爻兆帝師和九原有藉碎掌復何辭別館春雲
濕青旗曉日熹翠微方自守逸氣稟蹲踖

鹿

俟俟頻求友牲牲不計年隍中原是夢林外卻呼仙蹠躡隨車
至歲蕤入畫傳銅牌餘艸色飲爾白雲泉

羊

火蓄茅初化金精黍最宜噉珠誰絜爾叱石頓來思殘雪露毛
冷斜陽下影遲鸞秦功必舉珍重五羊皮

兔

漢馬徵名異梁園攬勝勤呈祥知協舞命中兆還軍擣藥依羽
月抽毫傍紫雲忘蹄如有得撲握對寒曛

鐘

東序諧編磬南宮掌奏金客船移夜半禪榻坐秋深鯨擊海濤
立龍蟠山月陰曉趨長樂陛清切聽仙音

詠物之篇於六義爲賦有賦而無比與此詩教所以不克振
也昔之詠物羌無故實後之詠物數典而求幅廣較於易工
章短苦於難措作者取精棄籠舉一該十每從神解超曠中
包括衆有能使讀者掩題而訣爲是題莖草金身爲之拜倒
學弟吳省欽拜手時已酉四月十二日

存素堂詩稿

栢山 法式善 梧門

續詠物詩一百二十首

有序

余向擬詠物詩百廿首就李巨山舊題爲之雪窻寂寞復檢得
題如前數皆巨山所未及詠者燈昏硯凍隨意揮灑拙者適形
其爲拙也至云粗服亂頭愈形斌娟則吾增愧慙多多矣

雷

地氣滋華實天聲震晦冥衣冠肅深夜鐘鼓協春霆白水噓龍
起空山引雉聽阿香車輾輓撼不到書廳

電

列缺施鞭疾騰輝麗絳霄燭難藏口腳激欲掣霞腰錦樹紅綃
裂金墉紫幟搖博天開笑口勝看火雲燒

霜

屋瓦千層薄山鐘一夜知板橋人去後秋寺月明時沙磧鷹拳
猛蒹塘雁足遲堅冰應致凜惆悵曉楓詩

虹

絕赫依山紫連蜃旦水長玉橋拖日霽金井飲秋涼上殿弓懸
影開爐劍掣光在東看蝶竦莫漫說虹藏

霞

夕影靈芝擢朝暉若木承海樓浮日出秋嶺挾雲昇綺帶金華
散杯添玉液澄偶然餐一片痼疾詎何曾

村

漁稼隨時好山村少俗氛茅簷晴撲地竹火夜停雲細路梅花
罨下橋斷石分人家多古樸誰復誚無文

洞

宛轉通雙闕玲瓏據一峯泉香飛蝙蝠日暖聚芙蓉古徑苔花
漶空巖石乳濃桃源尋不見終古白雲封

谷

截竹來軒帝抽觴待魯儒虛時任風動闇處定霞映樹聚遷喬
鳥場空食藿駒知榮還守辱臣請遂名愚

澗

玉竇飛泉漱周圍盪翠嵐石困尋不見金餅拾何堪繫綠春風
染芹香曉露涵縈迴三百曲惟有碩人諳

鐸

牛上尋何幻雷先奮自新和聲諧樂律狗路掌道人木葉山樓
脫天風寺塔振琅琅清似語口舌覺斯民

磬

泗水浮來器堯庭拊後音香巖晴扣石仙閣靜浮金山月一樓
白曇花孤館深稜稜憂秋玉響徹碧梧陰

箴

魏絳精嚴語崔琦錦繡胸宛然針淬鏑莫謂筆藏鋒确切防微
意深沈補闕悰不嫌攻太急有疾可從容

銘

溫潤書前烈清新感至誠孔門僂一命周廟慎三緘雲護湯盤
字霜封武鏡函太常功具載座右立之監

戟

十二前驅導龍光賁繡旛櫺椽排鐵室左右列金門摩刃風鈴
語交枝雪鏑翻至今石鼓側槐蔭古苔痕

槍

飛將人間少神威馬上傳梨花晴鬪雨苔葉綠橫烟鐵冷荒雲
外沙明白水邊角聲聽第四齊奮鼓淵淵

鞍

髀肉消無幾英雄感歲華金寒塗柳葉玉暖壓桃花古繡紅蒸
汗香茸紫沲霞老夫爲顧盼百戰閱風沙

鞭

緩鞚津橋路將軍駿馬過蒲香浮黯淡石影認婆娑玳瑁招雲
重珊瑚拂水多斜陽秋草外又聽牧牛歌

醫

岐伯傳經祕巫咸擇術端十全留玉板三折有銀丸春雨芝田
潤香泉橘井寒請君納書卷不換此心丹

龜卜期先協狐疑決未萌夜深燠乙乙烟碧火庚庚幣繫金滕
字囊垂玉兆名歸裝餘片石蜀市訪君平

畫

潑墨愁神鬼開縑具雨風香生濃淡外春在有無中幾筆水聲
出一天詩思工靈圖溯龍馬卦象啟洪濛

算

兩儀天地闢九數歲時成惟靜斯生動因虧乃就盈月圓絲影
碧風積黍痕明此法傳周髀金科勝玉衡

堂

白玉雕初就黃金飾已工魚鱗春瓦綠龍骨夜燈紅花影筠簾
護書聲紙帳籠聚奎高處望多在五雲中

臺

縹緲凌雲起靈臺信有之鳳聲天上引鹿影日邊遲墟廢猶留
響梁空但剩詩生平志勲業圖像果何時

厨

爲素援錐技聊伸供匕情酒應唾阮籍肉漫鄙陳平越俎何妨
代充庖敢取盈炊烟隔微雨高樹隱春城

竈

取媚吾何敢燔柴禮失真鼃聲辭暮雨馬影戀餘春藥煮松門
透香偎紙帳勻黃羊如可致燭不到貧薪

針

歛影宜投芥藏鋒許佐砭影敲松月白香迳稻風恬魚怕竿橫
艇鸞窺繡隔簾莫誇磁石引暗度又何嫌

網

會得千絲理須開一面恩秋雲涼過岸晴日晒當門珊瑚樹空江
老漁燈斷港昏求賢際今日慎勿委烟村

陶

苦竄知無慮河濱自古陶建玲當取順運甕敢辭勞樓靜鴛棲
穩臺荒雀影高甕中餘退筆香定泥飛毫

冶

橐籥洪爐鼓陰陽一氣經有金皆受範無土不爲型劍委江烟
白鐘殘佛火青方今勸農事負耒向春垌

春

似與砧同調空山夜夜聞夢回孤館月聲斷一溪雲香粒槽邊
聚秋泉枕上分蘆簾歸正好樽酒話殷勤

薪

檟柁根盤石長林綠意騷山空秋露緊竈破冷雲高此筆何妨
炙如人亦有勞江淹緣底事將鬻侍中袍

炭

萬壑翠蒼茫秋風草木黃煨餘山柳性偎伴屋梅香愛日留春
館輕烟冪畫廊笑他雙鳳影燒否驛雲涼

絲

紕組工爲用紕緘妙取裁繭香春雨膩漚水綠雲隕紅袖圍金
屋清琴響玉臺一鞭花影外又逐軟風來

綿

麗密比吳縑盈筐纈影織日黃温可愛雲白軟何嫌柳絮前身
幻梨花別夢淹何人風雪裏高卧掩蘆簾

印

芒角歸周正曾傳相印經山中嵐委白江上字餘青石鵲飛珠
噫金駝擁繡駟洛陽王校尉井畔辨書銘

綬

瑞玉纏綿繫祥金次第添鳳翔天影曙鷄吐日華暹艾葉千絲
組桃花一桁簾蕭朱今已矣珍重護青縑

冠

岌岌崇周制峩峩仰素王翠纓花暈淺文竹月波涼烏認瓜田
下蟬窺藥省翔因思進賢者一樣綴明璫

帶

太息撫余珮黃河如此深茱萸晴抱玉芍藥瑞圍金魚掣水雲
影犀寒山月陰攤書拾香草何待繞腰尋

裘

紫綺三英燦殘繒百結扁魚竿閒釣渚鶴警曠雲山已嘆黑貂
敝不知青鳳還鸚鵡雖典士文藻滿人間

履

赤烏那堪曳青絲無點埃雪中沽酒去雨後看山來金壓春階
草珠紫別館苔寄言白居易望斷朶雲回

鞵

素縞織龍梭巴山一匹羅材非供畫竹步恰好凌波鴉白霜華
慘渠紅日照多不逢青眼客跼結問誰何

衫

莫嘆客衣單春光海樣寬鳳毛黏翠重燕尾帶紅殘蕉雨侵幃
濕荷風入袖寒何須誇杏子深院落花攤

氈

帳裏春如海棠前墨正磨四圍花不少一夜雪無多坐客寒應
減羈臣咽若何我家餘舊物燈火起摩抄

枕

不作盧生夢空庭歲月長沙場搜琥珀春殿聚鴛鴦白石白秋
色黃花多古香年年飛柳絮消受幾分涼

杖

鳩影扶階綠蝦鬚映日紅書聲天祿閣秋色廣寒宮賣酒頻年
醉看雲一笑空葛陂如可到吾欲訪壺公

鑪

吐氣蓬萊頂揚芬鼎鼐旁龍蟠晴旭暖鴨睡夕曛涼寶篆霏烟
細名花接夜香廬山有仙境雲白水茫茫

釵

妙許同心服還爲耀首貽別來驚瑇瑁賜出煥旌旗唐殿鸞飛
早秦宮鳳下遲人間誇十二老去重蛾眉

案

竹鳴空青委松齋淨綠鋪石花分月魄玉葉半雲腴墨瀋吹何
有縑香淡欲無更須勤拂拭官樣紙新糊

笈

徐穉論交篤包感受業專蠹邊餘幾字驢上頁多年卜市雲橫
影書倉玉吐烟紫臺文最古妙蘊果誰傳

篋

入學何妨鼓還家妙與依依香縈短桁書影淡秋幃文錦連雲
返明珠帶月歸岱宗虔探策八十果無違

籠

宰相扶持久書生寄託艱
溪香鶯浴水嵐白鷓棲山藥氣當壚
沸花光隔檻還小詩題滿壁笑爾碧紗慳

鼎

負俎講王道得璜稱上賓
神姦辨微渺金鐵發精神日煜龍文
麗風和雉影春汾陰遺寶器山海百祥臻

盤

學得長生術丹金鑄作盤
冰花融細膩春餅映團圓水定星光
聚天高露氣溥銅盃微有凍萬里已知寒

樽

問訊空山老山中得醉無提攜
在東阡斟酌到中衢江海量難
具雷雲形不誣躋堂介眉壽春酒湛醍醐

鉢

伴爾磁瓶久拈花一笑初青蓮
開頃刻香飯現空虛響滅詩成
後光圓膳撤餘夜深風雨大知是咒龍車

甌

聞說書名者曾煩一覆勞
青涵雲絮活白盪月輪高酒氣融金
液茶烟泛玉濤可憐犀筋擊秋殿手頻搔

甕

怪爾三都賦如何覆酒云香厨
秋貯露圓牖日滃雲松壓殘書
字花留退筆芬黃壅足三百薄醉趁斜曛

箸

有菜始需汝撞鐘非所宜此籌
臣請借一震客何爲青竹香黏
匕紅梁瀋膩匙萬錢無下處竟似贈安期

篙

萬里浮家穩輕篙刺畫艫桃花明港石葦葉打篷窻夜雨高三尺春風綠一江靈胥寧許翫裹布渡神瀛

帆

一幅布帆掛蕭然蘆荻鄉愁人湖海夢增我水天涼細雨來無恙西風飽不妨歸舟頻指點江口又斜陽

粥

羨爾咄嗟辦素馨吹不飛可知斧冰屑最怕典春衣鼎瀉翠濤滑匙翻紅豆肥口香留七日攜許半甌歸

糝

肉食者原鄙蒸熬如此清何人薦春餌半夜熟香杭紅暈桃花粥青翻柳葉羨調和功不淺分餉午窻晴

茶

顧渚香搓乳蒙山紫滉霞天留穆陀葉人愛聖陽花蟹眼銀甌雪蟬膏石鼎芽竹爐添活火一縷碧烟斜

羹

斟雉天厨渥煎臯御館開清香淡熬藿正味發鹽梅碧澗香芹滑寒山玉糝煨秋風憶萸菜爲置紫霞杯

餠

粧妝秋江怨華陽二百幡香凝煮冰屋聲隔賣花村剪燭頻徵典含飴且弄孫可憐寒食節說餅又黃昏

油

冷艷期魚素輕烟散鳳街院風酥奈寶山月潑松柴紅穗銀缸剔春膏玉甕指桓元舊寒具開絹凍雲皆

稻

虎掌名須記蟬鳴候可稽暖雲蒸斥鹵肥雨滑春泥花罨碧泉
亂飯香山屋低恐教鸚鵡啄擔向夕陽西

麥

餅餌依稀到麩麩大小同根培隔年雪香散掃花風鏹影夕陽
外車聲黃葉中一天晨氣潤父老話年豐

葵

衛足空園好移根古園晴霜寒秋葉老日午素心傾鴨脚搓香
軟蟲絲習翠輕鍾山鹽米外又傍蓼花橫

豆

記得南山下停鋤聽雨棚秋花田十畝香粥月三更碧煮沙瓶
淨紅滋竹井清不須矜玉糝爲佐腐儒羹

葱

莖葉喜披拂荒畦三畝斜人間和事草詩裏潑油花香膾搏輕
碧春筍試細芽元都留上藥絕勝飯胡麻

菘

不有金門客誰參玉板禪鬚秋雨後醞釀曉霜前寒碧欲盈
把新黃初試拳蓄他三兩甕足結冷官緣

柿

七絕人間擅松陽種傍廬萬株韓愈詠滿屋鄭虔書絳蠟和雲
凍金衣映日舒華林園裏望老樹更扶疎

棗

荆棘外殊雜赤心中固純獻猶說西海摸不到東鄰短巷竿聲
繁秋山露氣勻一林紅玉皺微帶晚霞皴

杏

嘉植移蓬島仙根鬱瀨鄉絃歌古壇坵科第舊林塘繞宅但湖水入山無草香花村與花堰各自占春芳

蕉

急雨忽然至院深剛下簾綠天誰覆鹿涼月乍移蟾花外美人妬雪中詩思添東風緣底事暗地拆書函

蒲

抽帶經朝雨含茸待夕陽訟庭鞭落影書舍牒留香棒水爲誰綠扇風如許涼南塘春一色兩兩護鴛鴦

苔

廢苑無人至幽香到處逢蟲書留玉篆屐印認泥封風坼垣衣破花牽石髮鬆髮緣砌上點點露華濃

蓼

三兩漁舟外依稀見宿根汁香釀春酒花老佐秋豚野水寒烟積空塘落月昏劇憐尹都尉種蓼有書存

蒿

醜類最繁富入秋名不訛西風響蕭荻涼露滴莪蘿駒秣翠猶在鹿鳴香更多曾聞作宮柱詎止媿嘉禾

葛

結蔓碧相引羃烟青欲飄春風憐弱質中谷施長條藟啄鳥聲碎絲抽燈影搖衣成掛蘿薜涼月擁深宵

艾

作佩固無當入湯原不滑人方醫老病燕又避新巢藥臼和苓搗冰臺借芷捐湯陰有黃草珍重寄寒郊

桑

直舉天高處千年不改柯荒田變東海古社記西河赤鯉雲湖
淨春蠶雨葉多彈箏歌陌上問客感如何

榆

圓莢一林綴小錢剛出囊折巢看鵲起控地識鳩搶階雨垂簾
綠闌雲擁社黃祇應種天上歷歷現星芒

椒

郁烈復蕃衍美哉葩擅靈播芳紫檀霧攝氣玉衡星獻歲春花
醇塗泥錦屋馨爲渠蠲百疾蜀壘種青青

楓

蕭蕭一千丈長楓果出羣酒人醉秋露山鬼笑孤雲漢殿香膠
澆吳江白浪分停車坐林下爲爾滯斜曛

椿

壽考貞材享烟霞野性宜春秋八千歲風雨兩三枝芽嫩紅鹽
配香疎碧蘚滋中庭方合抱奕奕挺靈姿

榕

莫謂生姿弱連蜷百尺齊鬚蒼烟宰地根古翠蟠泥山立馬初
繫庭荒鶯亂啼斜陽入高閣榕樹倚榕溪

榭

樛櫟豈無用入林烟景迷秋風淒白雁曉日上金雞樸檝寒山
外彫零廢寺西不扶能自豎莫漫委荒溪

檀

我樹子無折小園今正芳河千聲坎坎車輻影煌煌臘雪培根
沃秋風吹葉涼檣榼戒先斫山野幾留良

鵠

一舉便千里汗池非所安影憐菊裳薄香豕藕花殘比翼日華
白摩天雲路寬空籠猶許獻不作鷺同看

鵬

水擊三千里圖南此一登神魚欣有托凡鳥恥爲朋變化生風
雨扶搖謝弋矰漫空飛白雪問爾落毛曾

鷹

氣猛易攻取雄心誰與言雲深棲茂樹風勁擊中原畫壁蒼烟
古房山白草昏天和須感召早晚到春温

鷗

刻制鷗之性乘風六翮翛眼明雲路迥拳老雪天驕荒磧衝烟
起春冰帶血消長楊如許奉餘力借扶搖

雞

與爾共風雨寒窻今幾年棲遲時堞穩瀟洒羽毛鮮茅店鳴荒
月秋籬咽冷烟英雄舞中夜莫誤聽啼鷗

鳩

宛彼飛鳴者陰晴汝竟諳鵲巢居尚可鳳閣集何堪杖影暮春
社琴聲感石龕大鵬休取笑萬里快圖南

鷺

淺渚低徊久幽姿洗刷勤毵毵絲偃露磊磊脚盤雲白石立秋
浦圓沙明夕曛有時弔孤影天外一行分

鷗

有鳥似輕漚忘機水上浮舍人封碧海閒客占滄洲夢穩蘆花
帳涼深藕葉舟此心盟日夕從不爲飢愁

虎

探穴可無憚負嶠何所求腥風掀草木白日走羊牛鬼火諸峯
變山聲一夜秋緣他苛政猛增我使君愁

狐

一腋千羊抵餘威隻虎憑絳帷潛報雨黑水暗聽冰華表晴磨
柱叢祠夜避燈媚珠雖有耀不敵此心激

猿

靜緩山公性栖遲愛茂林峽中連夜雨烟外擁條吟碧玉酬齋
鼓紅絲感爨琴縱然輸越女老我白雲深

貂

北海文章窟東瀛富貴天不堪煩狗續要自喜蟬聯栗雪雙扉
掃松雲一樹圓當時蘇季子裘敝有誰憐

鼠

山曉社君匿兩端持太拘飲河惟滿腹鬪穴底捐軀幡毀祇園
炷床攤貝闕珠蘭亭許臨寫吾欲捋伊鬚

驢

策蹇尋幽僻何人舉手招寒山詩思引孤店酒旂飄春草雲雙
澗梅花雪一橋京華三十載誰嘆故鄉遙

駝

古拙存吾性而何嫵媚誇泉香秋衍脈水淨夜盤沙黃帕經函
委紅鹽雪驛加無端多所怪馬腫背原差

狗

畫虎恐其類續貂良可憎夜村驕似豹秋獵猛于鷹悅影花間
屋鈴聲雪外脞韓盧非不疾掣肘更何能

猪

且牧伯鸞豕言還司馬縱十年依海上一笑謝遼東官路槐陰
滿秋山梓蒂空金鈴曾繫背遮莫畫屏風

蛇

吞象三年飽乘龍五緯明毒雲深壑聚秋草一川平援劍知天
意銜珠驗物情語君休畫足凡事戒先成

龜

六室依方位千秋秉靜嘉字排堯壁煥文列禹圖華曳尾尋蓮
葉搗牀泊土花只緣益衰老科斗落人家

蚌

不斷江雲濕多時海雨鹹波明珠孕魄天淨月離函彩煥樓頭
鏡烟鋪水面帆方將遊五岳風霧起空巖

蟹

何處監州好漁庄有徑通菊天新酒綠水滸一燈紅昏港雲迷
斷寒村雪壓篷橫行渺湖海春霧怕迷濛

蝦

水漫沙虹委橋低海馬奔長鬚新綠捲空殼嫩紅翻蘆葉夢深
淺稻花香吐吞繫船富春渚撈傍月黃昏

蟬

弗藉晨風引飄然萬綠齊一鳴足清聽得樹便高棲廢苑辭烟
起寒林抱葉嘶禪心緣爾徹寂寞對空隄

蝶

試問羅浮境莊生已不知輕誰憐鳳子捐最怕鶯兒粉浣香裙
幅塵縈玉屑絲簾開春夢醒花氣正濃時

蜂

微雨泥房潤春風蠟蜜和小欄留韻淺深院聚香多花釀紅黏
甕巖空翠冑窠座中有仙客飯罷影羅羅

蠅

聲色遽能亂暖寒寧弗知積灰聊藉此故紙且鑽之驥尾雲程
附雞鳴月寢疑負金當自愛污壁是何時

蚊

隔幔雷聲隱窺人豹脚斑荷鬚燃火送柳絮飽風還燈暗遂成
市秋深空負山終宵不能寐底事忝民頑

螢

腐草荒榛外清光悶自持炎天常不熱暗地亦無欺扇小秋心
動簾疎午夢宜飄零何處好珍重薄霜時

蟻

撼樹縱無當慕羶誠有因由來循弟子不獨識君臣槐國雲埋
垤柑鄉雨浥塵冠山同戴粒物我總游春

蛙

不問官私地居然兩部傳多言竟何益有氣却誰憐碧草綠苔
院清風明月天持願赴秋水鬧煞柳塘烟

蟬

烟海恣游泳文津快頡頏蘭臺穿玉宇芸館掉金章燈火尋何
處詩書飽不妨伊誰同脉望三度食天香

取材之博修辭之雅固不待言其中如春風綠一江梅花雪
一橋等句風神澹蕩右丞襄陽之遺韻也風勁擊中原拳老
雪天驕等句氣骨蒼渾供奉拾遺之宏軌也由前之說是爲

高士由後之說是爲英雄詠物至此李巨山輩何從問津耶
培叔弟施朝榦謹跋



